

欽定大清會典圖

欽定大清會典圖卷一百五十八


輿地二十


兗州府圖

沂州府圖

曹州府圖

兗  
州  
府  
圖





兗州府在省治南三百二十里至

京師一千二百三十里領縣十治滋陽東曲阜北甯陽東南鄒縣滕縣嶧縣東北泗水西北汶上壽張陽穀黃河自曹州府范縣東北流入界經陽穀縣南壽張縣東南趙王河自曹州府鄆城縣北來注之又東北復經陽穀縣東南沮河即濟水亦自鄆城縣北來注之又東北復經壽張縣東北會運河而北入泰安府東平州界運河上源曰汶河自泰安府泰安縣合淄河緣界西流經甯陽縣北又西經汶上縣北折南入界至

縣西南分水口分南北二流並為運河北流者  
合南旺諸湖水經汶上縣西又北錯入東平州  
界復經壽張縣東北會黃河又自泰安府東阿  
縣西出為新運河復經壽張縣東北北流入東  
昌府聊城縣界其故道在壽張縣張秋鎮已淤  
其南流者合諸湖水錯入濟甯州界復合獨山  
諸湖水經滕縣西南錯入江蘇徐州府沛縣界  
復經滕縣南薛河出縣東寶峰山合南明水西  
南流注之又南受微山湖水東流經嶧縣西南  
韓莊集南又經陰平集南左納彭河及牛山泉

水又東承水出嶧縣北車稍山合光武泉水石  
拉河許池泉金拉河東南流注之。又東南入江  
蘇徐州府邳州界洸河出甯陽縣北南流經縣  
西又經府治西北漢馬河灘河俱出甯陽縣東  
合西南流注之。又西南入濟甯州界泗河出泗  
水縣東陪尾山西流洙水自沂州府費縣西來  
注之西北流左納黃陰河右納黃溝河金線河  
百丁河丑村河高陽河諸水復左納濟水經縣  
北又西南左納玉溝泉右納柘溝泉復左納一  
小水又經曲阜縣東北嶮水出縣北九仙山南





流注之。又經聖林北。新安泉映安泉合。南流注之。折東南。經府治東。西出一支津。過府治而西。為府河。入濟甯州界。正渠南流。沂水出鄒縣東北。智源溪經曲阜縣南。合雩水。洙水西流注之。又西南。經鄒縣西。錯入濟甯州界。分支津為新泗河。又東南來。經鄒縣西南。復入濟甯州界。白馬河出鄒縣東北。九龍山麓溪湖合。蓼河西南流。經縣西。大小沙河並出縣東北。四基山合。西南流注之。又西南入濟甯州界。潞河出滕縣東北。述山合。黃約山水西南流。龜步水出連珠山。

石溝水出嶮山並西南流注之。又經縣南右納南梁水。又西南入沛縣界。注運河南旺湖。蜀山湖馬踏湖並在汶上縣西南。與濟甯州嘉祥縣接界。獨山湖在滕縣西。與濟甯州接界。界河出滕縣西北。龍山北。沙河出鄒縣東南。嶧山並西南流注之。微山湖在嶧縣西。與沛縣接界。陪尾山在泗水縣東。龜山在縣東北。尼山在鄒縣東北。嶧山一曰邾嶧山。又曰鄒嶧山。在縣東南。葛嶧山即古嶧陽山。在嶧縣東南。府東及東南界沂州府。西及西南界濟甯州。北及東北界泰安。

府。南及西南界江蘇徐州府。西北界東昌府曹  
州府。

沂州府圖





沂州府在省治東南六百里。至

京師一千六百里。領州一縣六。治蘭山東南邾城。西北費縣蒙陰。東北日照莒州沂水。海在府東。北接青州府諸城縣界。為日照縣東境。又南接江蘇海州界。沂水三源並出蒙陰縣北。中源出通廩峪。西源出絞嶺。東源出王峪嶺。至龍洞山合東流。經沂水縣西北螳螂水出蒙陰縣北松仙嶺合二小水東南流注之。又東南左納小運河及沂津河右納白馬河。又東南左納連縣山水及東安水復右納一

小水。又東南至縣北折南流。左納暖水河。及順天水。小沂水。經縣西。又南。閭山水合泉莊河水。東流注之。又南。右納獨樹水。左納興隆水。又西南。受東汶河。河一曰桑泉河。出蒙陰縣西南五女山。北流。左納巨圓水。及西諸福河。東諸福河。折東南。經縣西南。右納蔓崗水。又東。右納蒙陰水。及桃墟水。又東北。梓水出。縣北合王良。噎水。王莊水。著善河。洗硯泉水。南來注之。又東南。注沂水。沂水又西南。經府治北。蒙山水出。蒙陰縣東。蒙山柳青河出。費縣東北。並東南流。注



之又南右納孝感河。又南受枋河。浚河合流之水。枋河出費縣西大匡崗。合倉山河東北流。經縣東會浚河。浚河出縣西北聰山。小沂水自兗州府滕縣來合興水河注之。又東南右納同石河及乾河水。折東北經縣北。洪河塔河合南流注之。又東南左納蒙陽河會枋河。又南右納一小水左納紅衣河。又東注沂河。沂河又南受涑水支津。經府治東。又南右納一水入江蘇徐州府邳州界。武水上源曰涑水出費縣東南天井汪東流經府治西。支津東出注沂水。正渠折南


為武河亦入邳州界。燕子河出邳城縣西北龍王堂南流。支津西南出為鴨蛋河。與正渠並南流入邳州界。泗河東西二源。東出費縣東南旗山東南流。經府治西。匯於芙蓉池。為芙蓉河。又南右納陽明河入邳州界。西出費縣西南抱犢山。東南流。經府治西。亦入邳州界。白馬河出邳城縣東南。西南流入邳州界。沐水出沂水縣北。沂山東南流。大峴山水小峴山水合南流。注之。又南左納箕山水。右納朱龍河。又經莒州西北。右納絡水。左納袁公水。經州東。折西南流。又經州

南黃華水呂清水合東南流注之。左納鶴水。又南潯水出日照縣西南流注之。又西南經府治東右納湯河。又南經邳城縣東南亦入邳州界。絡車河出莒州南東南流入江蘇海州界。石河出莒州東南合白羊水南溝河東南流經日照縣東南秋水口入於海。竹于河出日照縣西南矮岐山。合白堞山。幽兒。茵二水東南流經漲洛口入於海。傅疇河出日照縣西北駝兒山南流。三公莊河東南流注之。代疇河合空中山水西南流注之。花崖河曲河並東流注之。絲水因

水合南流注之。又東經夾倉口入於海。兩城河自諸城縣東經日照縣東北合金銀河。經龍旺口入於海。灘水俗曰淮河。出莒州西北灘山。伏流至箕屋山。復見經州東北。沂泉水北流注之。龍骨山水及洪陵河。膏澤河並出日照縣西北。合北流注之。又東入青州府諸城縣界。浯水亦出州北高柘山。東北流經石埠鎮入青州府安邱縣界。浯汶水出蒙陰縣西北。西北流入泰安府萊蕪縣界。沫水出費縣北。西流入兗州府泗水縣界。沂山在沂水縣北。蒙山在蒙陰縣南。府

東界海。西及西南界兗州府。南界江蘇徐州府。  
北及東北界青州府。東南界江蘇海州。西北界  
泰安府。

曹州府圖



[illegible]



曹州府在省治西南五百八十里。至

京師一千二百里。領州一縣十。治荷澤。北濮州觀城。東南定。唐曹縣城。武單縣。東北距野。鄆城。范縣朝城。黃河自直隸大名府東明縣東北流入界。經府治西北。仍錯入開州界。東北流復經濮州。南東北流。又經范縣東南。又東北入兗州府壽張縣界。黃河故道在曹單二縣南。西接河南衛輝府考城縣界。東接江蘇徐州府豐縣界。澶河俗稱趙王河。自曹縣西北東北流。經府治南。折北。經治東雙河口。右出支津。東南流為沮。

河一曰清水河。經定陶縣東北。為北渠河。折東北。復經府治東。又經距野縣西。為豬水河。及岐為二。一東流入濟甯州嘉祥縣界。一北流為濟水。經鄆城縣南。又岐為二。一東流入兗州府汶上縣界。一北流復名沮河。入兗州府壽張縣界。其正渠東北流。經鉅野縣西北。濮州東南。至鄆城縣西。冷莊河分流復合。又東北入壽張縣界。洙河自曹縣東南境東北流。經單縣西南。右出支津。為順隄。河東北流。合正渠。其正渠東北流。經縣東而北。新隄河上流為白花河。出曹縣西。

北東流經城武縣西南為新隄河折東南為八里河來注之。右會順隄河北流。夏月湖河亦自曹縣西北境東流經縣北及城武縣北為新沖河。又為樂成河來注之。又東北入濟甯州金鄉縣界。南渠河出定陶縣西南。中渠河出定陶縣西北。並東流經縣東。合東北流為萬福河。經鉅野縣西南城武縣北。又經鉅野縣東南為柳林河。又東流入金鄉縣界。金山河自鉅野縣西南東流經縣南。又東經金山北入嘉祥縣界。為蔡河。府東及東南界濟甯州。西及西北界直隸大

名府。南及西南界河南歸德府。北界東昌府。東  
北界兗州府。

欽定大清會典圖卷一百五十九


輿地二十一

東昌府圖

青州府圖

登州府圖

東昌府圖



[illegible]





東昌府在省治西南二百二十里。至

京師九百四十里。領州一縣九。治聊城。西堂邑冠縣。東北博平。在平清平。高唐州。恩縣。西南莘縣。西北館陶。衛河自直隸大名府元城縣東北流入界。經館陶縣西。又東北入臨清州界。運河自兗州府陽穀縣北流入界。經府治東。右出支津。為徒駭河。經博平縣北。高唐州南。在平縣東北。又東北流入濟南府禹城縣界。正渠西北流。經博平縣西北。田家口。分水東流。行馬頰河。故瀆曰馬頰河。東北流。經清平縣北。高唐州西北。恩

縣東南入濟南府平原縣界。正渠又西北流，錯入臨清州界。合衛河，復東北流，經恩縣西北。其北為直隸河間府故城縣界。又東北至四女寺，東出支津為四女寺減水河，與正渠並東北流入德州界。趙王河出高唐州東，東北流入濟南府平原縣界。漯河出茌平縣西南刁家窪，東北流入禹城縣界。趙牛河出茌平縣東南，東北流入濟南府長清縣界。府東及東北界濟南府，西及西南界直隸大名府，南界兗州府，北界直隸河間府。東南界泰安府，西北界臨清州。

青州府圖





青州府在省治東三百三十里至

京師一千里領縣十一。治益都。東昌樂。東南臨朐。安邱諸城。西南博山。東北壽光。西北臨淄。樂安。博興。高苑。海在府東北。北接武定府利津縣界。為樂安縣東北境。又南為壽光縣東北境。又東南接萊州府濰縣界。復自萊州府膠州南為諸城縣東南境。折西接沂州府日照縣界。小清河自濟南府新城縣東北流入界。經高苑縣西南。軍張間。支津東北出為支脈溝。新小清河自濟南府長山縣來注之。東流經縣南五空橋。又東

北經博興縣南堰頭莊及嫁城。又東北經樂安縣北寬闊稍。又東北入於海。小清河正渠自軍張間東流。亦經縣南博興縣南樂安縣東北。預備河上承麻大湖水。亦東北來注之。又東北會淄河。河自泰安府萊蕪縣東北流入界。經博山縣南。又東北經泉河集。右納池上泉水。又東北家桑谷水。即聖水。北流注之。又東北過萊蕪口。經府治西。右納仁河。又東北經臨淄縣東南。右納天齊淵及女水。經縣東石槽城。折北經樂安縣東。折東經壽光縣西北。折北復經樂安縣東。

西通預備河。又東復經壽光縣北。匯為清水泊。北流經樂安縣東北。燕子窪。會小清河。又東北由淄河門入海。其支津東流。由羊角溝入海。麻大湖在高苑博興二縣南。西與濟南府新城縣接界。漢漆水即澠水。出臨淄縣西北。西北流匯於湖。烏河即時水。一曰砂水。出臨淄縣西南矮槐樹鋪。合瀘水。系水北流。折西入濟南府新城縣界。澇淄河出府治西金山北。流亦入新城縣界。隴水俗稱孝婦河。出博山縣西南鳳凰山。合范河沙溝河。石臼河北流。入濟南府淄川縣界。



清水泊即古鉅淀在壽光縣北。北陽河即濁水。一曰繩水出府治西北為山。東北流經府治北。壽光縣西樂安縣東南。復經壽光縣西。右納王欽河。又北匯於泊。東躍龍河西躍龍河俱出壽光縣北。合北流匯於泊。巨洋水俗稱灞河即古昧水出臨朐縣南沂山西麓。北流達水合畧水。東流注之。右納南丹水。又北復左納薰治泉。及大石水。又經縣東。右納時村水。又北石溝水出。府治西南石膏山。經達山北。合一水東流注之。又北經府治東。左納南陽河。又東北經壽光縣。


南折北流經侯鎮西官臺鹽場東由涵河口入海丹河二源西曰西丹河出臨朐縣東丹山東曰東丹河出昌樂縣南方山經昌樂縣西北合東北流經壽光縣東北堯河出臨朐縣東北堯山東北流注之又東北入萊州府濰縣界桂河亦出方山北流經壽光縣東南折東流亦入濰縣界大于河出昌樂縣東南白狼河亦出縣南擂鼓山俱東北流入濰縣界汶水出臨朐縣沂山東北流右納峴水左納英水又經安丘縣西孟津河自臨朐縣東南流注之又東右納鯉龍


河及陵河經縣北。小汶河俗曰劉家河。自昌樂縣東南叢角山東南流注之。又東北入濰縣界。合濰水。濰水俗稱淮水。自沂州府莒州東流入界。經諸城縣西東北流。西商溝水亦自莒州來。合營河水東南流注之。又東右納涓水及扶淇水。經縣北右納盧水。折北流百尺河二源俱出縣東南。一出五弩山。一出障日山。合北流注之。又北流錯入萊州府高密縣界。合浯水。復經安邱縣。東西北流。左納小浯水。又北經岵山西亦入濰縣界。浯水亦自莒州北流入界。經安邱縣。

南左納嶼河。又東經諸城縣西北。右納荊水。又東北入高密縣界。注濰水。紀里河盤池水俱出諸城縣東南。合南流經董家口入於海。橫河黃山河亦俱出縣南入於海。潮河亦出縣南入沂州府日照縣界。曰兩城河。膠水西源出諸城縣東南五弩山。錯入萊州府膠州界。合東源北流。復經諸城縣東北。又北入膠州界。五龍河出諸城縣東北九龍山。錯入萊州府高密縣界。復經諸城縣東北合盆池河。又北復入高密縣界。沂山在臨朐縣南。原山在博山縣西。府東界萊州。

府。西界濟南府。南界沂州府。北及西北界武定府。東南界海。東北界海。西南界泰安府。

登州府圖







登州府在省治東九百二十里至

京師一千八百六十里。領州一縣九。治蓬萊。東南棲霞。萊陽。福山海陽。甯海州。文登。榮城。西南招遠。黃縣。海環府北。東南三面。西接萊州府。治掖縣。界為招遠縣西北境。又北折東為黃縣西北境。有岬嶼諸島。又東北折東南為府治蓬萊縣北境。有長山諸島。又東為福山縣北境。有之罘島。曰煙臺海口。又東南為甯海州北境。有崆峒諸島。又東為文登縣北境。曰威海衛。有劉公諸島。又東為榮城縣北境。有雞鳴諸島。又東環成

山而西為縣南境有鎮鄧諸島又西北為文登縣南境有姑嫂諸島又西為甯海州東南境又西為海陽縣南境有棉花諸島又西為萊陽縣南境又西接萊州府即墨縣界界河上源曰東良河出招遠縣東南分水嶺合張星河西北流經縣北鍾離河老翅河俱出縣西南合東北流注之又北經縣北入於海永丈河即潁門河出招遠縣東北羅山北流經黃縣西南樂河亦自招遠縣北流注之黃水河出棲霞縣西北盤山北流經黃縣東莊頭河自府治西南西北流注

之。又西北絳水河出黃縣南東北流注之。又北流經縣北入於海。黑水出府西南黑石山合密水及密分水經治城北流入於海。塔地橋河之朶水安香河解宋河平暢河八十里鋪河俱出治東南並北流經治北入於海。白洋河出棲霞縣東南靈山環縣治北流折東北經福山縣南俗稱夾河。又北經縣東會大姑河。河出萊陽縣三螺山東北流經棲霞縣東福山縣東南至道平村。道平河出甯海州西南雨畝山合劉疇河古峴河西北流注之。又西北俗稱外夾河與白

洋河會白洋河又北左納流子河經福山縣北  
入於海。辛安河出甯海州西南碣嶧二山七里  
河亦出州西南沁水一名金水河出州東南崑  
崙山。龍泉河亦出崑崙山並北流經州北入於  
海。黃壘河出甯海州黃壘口合盤山河唐家店  
河南流經州南入於海。羊亭河石頭河並出文  
登縣北北流入於海。木楮河在文登縣南抱龍  
河出駕山送駕河出著基山劉家河古橋河並  
出縣西北板橋河出崑崙山。小河出縣西南並  
會於木楮河高村河出文登縣東駕山並南流

經縣南入於海。柘埠河出文登縣東北。石家河合報信河。埠上河亦出縣東。不夜河出榮城縣西院門口。並東北流經榮城縣北入於海。馬到河在榮城縣南。沽河出縣西南。立駕山合棹羅溝水。灘裏河出縣西南。山譚村港出縣西南。幾石山並東流經縣東入於海。夏村河在海陽縣東。上流為玉林河。出甯海州南。嶧山合嵩焦河決港。河南流白水河。出海陽縣北。黃草庵紀疇河出縣西北。老彭山白沙河出縣西北。福臺山並經萊城縣南。南流入於海。五龍河上源為陶

漳河出棲霞縣二源東源出院山西源出唐山  
合玉皇嶺水匯為蛇窩泊南流經萊陽縣東北  
望石山楊础河出棲霞縣南山東南流來會又  
西南至紅土崖觀裏河即原疇河一名縣河出  
棲霞縣二源一出艾山一出寺口合東南流來  
會又西南經縣南九里河出縣西北韭山合荆  
河東南來會又西南經五龍山昌水河出海陽  
縣二源一出林寺山一出招虎山合西南流來  
會是為五龍河又南入於海大沽河出招遠縣  
會仙山南流經萊陽縣西南緣界南流合小姑

河入萊州府平度州界。吳姑河出縣西南龍灣西南流亦入其州界。注大姑河。成山在萊城縣東。府西南界萊州府。餘俱界海。

欽定大清會典圖卷一百六十

輿地二十二


萊州府圖


濟甯州圖

臨清州圖



萊州府圖





萊州府在省治東六百八十里。至

京師一千四百里。領州二縣五。治掖縣東南平度州膠州即墨西南昌邑濰縣高密海夾府南北二面西北接青州府壽光縣界為濰縣北境迤東為昌邑縣北境又東為平度州北境又東北為府治西北境其北有芙蓉諸島又東接登州府招遠縣界復自登州府萊陽縣界東南為即墨縣東北境至縣東有田橫白馬諸島折西南至勞山下又西為膠州灣一曰太平灣亦曰膠澳為膠州南境其南有靈山栢柳諸島又西南

接青州府諸城縣界膠萊河當平度州南分水口。上承州北明堂山之白沙河水。歧為二支。一東南流曰膠萊南河。右受膠河。河二源。東源出膠州西南望蕩山曰六汪河。西源自諸城縣來合東北流。右納周陽河。又東北經高密縣東。又經平度州南。張奴河。一曰孝源河。出膠州西南錫恩嶺。合祝村河。東北流注之。又東北注膠萊南河。膠萊南河又東南左納落藥河。又經膠州東北。又納張奴新河。折南右納碧溝河水。又南沽河自登州府來合小沽河。朱東河。墨水河。經

平度州東南流注之。又南入於海。其自分水口西北流者為膠萊北河。經州西南。右納現河及鄧紀溝。又西北五龍河。自青州府諸城縣來北流注之。又北經昌邑縣。東秦文河。龍王河並自平度州西北合西流注之。又西北右納蘇村河及藥石河。又北入於海。濰水自青州府諸城縣北流入界。合其縣之浯水西北流。錯入青州府安邱縣界。合小浯水。復經濰縣東。汶水亦自安邱縣東北流來會。又北經濰縣東。又東北經昌邑縣東。又北入於海。濇水出濰縣東南塔山左。

納甯家溝水。右納張面河水。又北流經縣東北入於海。白狼河自青州府昌樂縣東北流入界。經濰縣東。又北。小于河出縣西南。大于河自樂城縣來。桂河丹河俱自青州府壽光縣來。合東北流注之。又北。經濰縣北入於海。寒泥河瀑河並出濰縣東北。流至昌邑縣西北。潄為容安窪。白沙河出府治南。杲村河出府治西南。掖河一曰掖西河。出府治南。大基山。淇水河。蘇郭河。龍王河。並出府治東。嘉歲河。朱橋河。自登州府招遠縣入界。俱西北流。經府治北入於海。客旅店。

河周疇河並出即墨縣東北東北流入於海李  
村河白沙河並出即墨縣南西流入於海淮涉  
河二源並在即墨縣南一出蓮花山一出石城  
山合西流左納墨水右納石河頭河西南流經  
不其城入於海那城河出即墨縣西馬鞍山雲  
溪河三源並出膠州西北洋河出膠州西南高  
成嶽山合高密縣王子山水風水亦出高成嶽  
山合麗水北壩河亦出州南合護城河俱東南  
流經膠州南入於海勞山在即墨縣東南府東  
及東北界登州府西至南界青州府北及西北




界海東南界海


濟

甯

州

圖





濟甯州在省治西南一百八十里至

京師一千二百十里。領縣三。西嘉祥西南金鄉魚臺。運河自兗州府汶上縣分水口南流入界。經嘉祥縣東北。受南旺蜀山二湖。南流經州西。其東為馬場湖。至安居折東。經治南。又東南經魯橋南。泗河自兗州府鄒縣西南流來注之。又東南經魚臺縣東北。過南陽閘。西為南陽湖。東為獨山湖。東南為昭陽湖。折東入兗州府滕縣界。南旺湖在嘉祥縣東北。蜀山湖在州治西北。並接汶上縣界。馬場湖在州治西。府河自兗州府

滋陽縣西流入界。經州東。洸河亦自滋陽縣來。合西流注之。南陽湖在州治東南。魚臺縣東。其北受牛頭河。其西受新開河。其南曰昭陽湖。接江蘇徐州府沛縣界。牛頭河首受南旺湖水。於嘉祥縣北出。牡生閘而南。趙王河之東南一支。自汶上縣來。東南流注之。又東南經州治南。受長澹河。河上流為澹臺河。自曹州府鉅野縣來。經嘉祥縣南。澹臺山北。顧兒河其上為蔡河。亦自鉅野縣來。經嘉祥縣南。金鄉縣北。東南流來會。又東注牛頭河。牛頭河又東南匯於南旺湖。

新開河其上流為涑河自曹州府單縣東北流入界經金鄉縣西南東北流經縣東北柳林河自鉅野縣東流來注之又東經魚臺縣東北匯於南陽湖獨山湖在州東南其東北受新泗河其南接滕縣界新泗河自州治東南分泗河水錯經鄒縣界復經州東南合其縣來之白馬河匯於獨山湖州東南至西北界兗州府南界江蘇徐州府西及西南界曹州府


臨


清

州

圖







臨清州在省治西一百十里。至

京師七百六十里。領縣三。西南邱縣。東北夏津武  
城。運河自東昌府清平縣西北流入界。經州治  
南。又西衛河自東昌府館陶縣東北流來。會折  
北。經治西。又北經夏津縣西。其西為直隸廣平  
府清河縣界。過渡口。又東北經武城縣西。又北  
折東。經甲馬營北。又東北入東昌府恩縣界。馬  
頰河自東昌府高唐州北流入界。經夏津縣東。  
又東北入東昌府恩縣界。州東北至西南界東  
昌府。西及西北界直隸廣平府。北界直隸河間